



## Members of the Board

Beth Albiani  
Nancy Chaires Espinoza  
Carmine S. Forcina  
Chet Madison, Sr.  
Dr. Crystal Martinez-Alire  
Anthony "Tony" Perez  
Bobbie Singh-Allen

**Christopher R. Hoffman**  
Superintendent

(916) 686-7700  
FAX: (916) 686-7787  
EMAIL: [suptoffice@egusd.net](mailto:suptoffice@egusd.net)

Robert L. Trigg Education Center  
9510 Elk Grove-Florin Road, Elk Grove, CA 95624

Lub Plaub Hli 20, 2018

Nyob Zoo Elk Grove Unified Cov Niamtxiv, Cov Saibxyuas thiab Tsevneeg,

Lub sijhawm kawm ntawv rau xyoo no twb yuav xaus, twb pib npaj rau tej koom txoos rau kev txhawb qhuas thiab promotion thiab kev kawm ntawv tiav ([graduation](#)) lawm. Xyoo no, peb yuav los ua kev zoo siab txhawb nqa coob tus tub ntxhais tej uas lawv tau ua tiav thiab tej ua tiav ntawd yeej txhawb tau peb mus rau yav tom ntej, tshwjxeeb peb cov laus, uas siv zog ua haujlwm pab kom txhua tus tub ntxhais yuav ua tau zoo mus ntxiv lawm yav tom ntej. Peb lub homphiaj yog kom txhua tus tub ntxhais, kawm nyob rau txhua yam kev qhia, nyob rau txhua hoob kawm, tuaj kawm ntawv txhua hnuv kom dhau tau los ua ib cov uas muaj tswvyim daws- teebmeem, kom paub siv technology ntxiv, kom muaj kev koomtes nrog rau lub zej zos, kom paub xaiv coj tus cwjpw zoo, kom muaj kev sis txuas lus zoo thiab muaj kev koomtes nrog rau tej phoojywg thiab paub nws tus kheej zoo, kom muaj peevxwm ua tau ntawm nws tus kheej thiab muaj kev tswj tau tus kheej. Thaum twg peb cov tub ntxhais qhia tau hais tias lawv yeej kawm tau (6) yam txujci tseemceeb no thiab muaj tej kev txawj ntse uas yuav tsum tau muaj rau tiam 21 no lawm, ces lawv yeej npaj txhij rau kev mus kawm ntawv qib siab (college), kev mus ua haujlwm thiab lub neej lawm.

Lub xyoo tas los no, peb kuj tau qhia rau nej txog tej yam kev nyuaj siab uas tau raug rau peb uas yeej muaj tseeb thiab yeej yog tej teembeem uas niaj hnuv nimno sawvdaws muaj xws li, tej kev sis thab plaub, tej tub ntxhais hluas lawv tua lawv tus kheej, tsi muaj kev ncaj ncees, kev ntxub lwm haivneeg thiab tej kev yuav ua phem kom tsi muaj kev thajyeeb nyab xeeb. Kuv thov ua koj tsaug rau koj lub siab ntev thiab ib leeg txawj hwm ib leeg lub sijhawm uas koj hais lus sawv cev koj cov menyuum thiab tseem qhib kev sis tham mus los nrog rau kuv thiab kuv cov neeg ua haujlwm los tham txog tej kev nyuaj siab, tej uas yuav ua tau, tej tswvyim thiab koj txojkev txhawb nqa. Peb totaub hais tias qhov uas muaj ntau haivneeg coob nyob koom zej koom zos li no tsi tau txhais tau hais tias yuav muaj kev txais yuav yoojyim lossis kev ncaj ncees uas nws cia li yuav tshwm sim tau ntawm nws tus kheej. Yuav kom peb kovyeej thiab nyob nrog tau ntau haivneeg, peb yuav tsum tau los saib txog ob peb yam li no xws li cov haivneeg, tej kev coj noj coj ua, cov neeg muaj lossis txomnyem, kev uas cov tibneeg sis txawv thiab kev ntseeg yog licas. Tib yam li ntawd, muaj kev qhia ntawv zoo xwb tsi tau txhais tau hais tias kev ncaj ncees yuav cia li tshwm sim tau ntawm nws tus kheej. [Equity](#) (kev ncaj ncees) yog sawvdaws tes haujlwm uas nyias yuav tsum tau los sojntsuam nyias tus kheej txog tej kev ntxub ntxaug uas muaj ntawd thiab yuav tsum tau ciaj sia rau tej kev cia sia, tej npau suav thiab tej kev nyuaj uas muaj rau sawvdaws kom yuav pom txog thiab rhuav tshem tau tej kev tiv thaiv kom yuav mus dhau. Nyob rau Jim Wallis cov lus hais, "yuav kom muaj kev hloov tau thiab vammeej rau txojkev kawm ... uas yog los ntawm kev saib kom meej thiab npaj kom zoo rau, muaj cov thawj coj zoo, coj zoo thiab mob siab ua haujlwm thiab nrhiav cov kev pab," cov no yog cov uas kuv yuav mob siab ua.

Nyob rau ob peb lub litiam tom ntej no, kuv tos ntsoov yuav mus koom rau cov koom txoos txhawb nqa qhuas txog cov tub ntxhais, kuv yuav nrog cov niamtxiv thiab tsevneeg zoo siab thiab npuaj tes qhuas txog tej uas cov tub ntxhais tau ua tiav. Tej yam kev tsim (developments) xws li [Measure M](#) projects kuv thov nqua hu kom cov niamtxiv mus saib online tej projects uas tau ua tiav, tej uas tseem tabtom ua thiab tej uas tseem npaj yuav ua. Tseem yuav muaj ntau yam tseem yuav tau kho dua tshiab thiab txhim kho kom tiav rau thaum lub caij ntuj sov no thiab tseem muaj ob peb yam yuav tau txhim kho ntxiv uas twb pib lawm. Hais txog ntawm kev txhim kho, kuv thov caw tsevneeg kom tuaj qhia txog lawv tej zeemuag thiab tuaj koom nrog peb kev sablaj [Community Summit](#) rau thaum lub Tsib Hli hnuv tim 2, 2018 nyob rau ntawm Harriet Eddy Middle School. Kev sablaj no yog rau cov uas xav tuaj koom rau kev tawm tswvyim txog kev kawm ntawv thiab tej kev txhim kho tej vajtse kawm ntawv, uas yuav zoo heev thiab yuav muaj tej qauv tshiab tswvyim tshiab uas yuav koj tau peb cov hoob kawm nrog rau peb tej vaj tse kawm ntawv kom mus tau rau qhov zoo yav tom ntej.

Thaum kawg no, kuv xav qhia rau koj hais tias kev thaj yeeb nyab xeeb thiab kev noj qab haus huv ntawm txhua tus tub ntxhais kawm ntawv nyob rau txhua lub tsev kawm ntawv tseem yog thawj qhov uas peb yuav tsum tau ua nyob rau txhua lub tsev kawm ntawv kom muaj kev thaj yeeb nyab xeeb thiab muaj kev ruaj nres. Cov tub ntxhais kawm ntawv yuav tsum muaj kev thaj yeeb nyab xeeb ib ncig ntawm lawv lub chaw kawm nrog rau lawv kev phoojywg thiab txojkev xav mas lawv thiaj yuav kawm tau ntawv zoo thiab muaj peevxwm. Lub sijhawm uas peb muaj kev cobqhia txog [Outward Mindset](#) (uas yog kev xav thiab pom txog lwm tus, uas yus yuav tsum tau pab), muaj kev coqhia rau kev thaj yeeb nyab xeeb ([safety](#)), thiab pab kom muaj kev txhawb rau kev mloog lus ([Positive Behavior Interventions and Supports](#)), kuv ntseeg hais tias peb cov tsev kawm ntawv yuav yog ib qhov chaw uas muaj kev thaj yeeb nyab xeeb uas yuav pab tau tej uas nyob ib ncig lub zej zos kom muaj kev thaj yeeb nyab xeeb.

Ua koj tsaug rau ib xyoo kawm ntawv zoo heev rau 2017-18 thiab kuv vam thiab cia siab hais tias yuav tau ntsib nej coob tus niamtxiv rau tej lub koom txoos yuav los tom ntej no. Vam thiab cia siab tias lub caij ntuj so no nej sawvdaws yuav muaj kev lomzem.

Ntawm Siab Dawbpaug,



Christopher R. Hoffman

Thawj Tsavxwm

### **Niamtxiv Daim Ntawv Sojntsuam**

EGUSD Daim Ntawv Sojntsuam rau Niamtxiv no yog ib qhov uas peb siv los mus sojntsuam peb kev qhia ntawv seb qhia tau zoo lidas rau peb cov menyuum. Cov kev qhia uas cov niamtxiv muab tuaj los ntawm daim ntawv sojntsuam no peb yuav siv los txhim kho peb cov tsev kawm ntawv thiab lub district cov kev kawm kom zoo zuj zus ntxiv. Koj tej tswvyim ua pab tuaj yeej tseem ceeb heev rau peb. Thov mus click (nias) rau qhov link nram qab no thiab mus ua koj daim ntawv sojntsuam online.

[English](#) | [Spanish](#) | [Vietnamese](#) | [Hmong](#)